



Na osnovu tačke II Odluke o raspisivanju konkursa za upis redovnih učenika u prvi (I.) razred srednje škole u školskoj 2025/2026. godini, broj: 02-34-1266/25 od 26. maja 2025. godine, Ministarstvo obrazovanja, nauke, kulture i sporta Hercegovačko-neretvanskog kantona **r a s p i s u j e**

K O N K U R S
ZA UPIS REDOVNIH UČENIKA U PRVI (I.) RAZRED
SREDNJE ŠKOLE U ŠKOLSKOJ 2025/2026. GODINI

OPĆI UVJETI

- (1) Pravo prijave na konkurs za upis u prvi (I.) razred srednje škole pod jednakim uvjetima imaju:
 - kandidati koji su završili osnovnu školu, u dobi do 17 godina, a iznimno do 18 godina, uz odobrenje nastavničkog vijeća;
 - učenici s posebnim potrebama, na osnovu odgovarajućeg rješenja i mišljenja imaju pravo upisa i s navršenih 20 godina života.
- (2) Prijam kandidata vrši se u skladu s Planom upisa, a na osnovu rang-liste (ljestvice poretka) koju u cijelosti objavljuje Komisija za upis.
- (3) Komisiju za upis imenuje Školski odbor.
- (4) U svakome upisnom roku kandidat se može prijaviti za upis u jednu školu, a unutar škole kandidat se može prijaviti za upis u najviše 4 obrazovna programa. U prijavi na konkurs kandidat navodi redosljedno listu prioriteta.
- (5) **Ukoliko za neki obrazovni program u školi, nakon prvog upisnog roka, nije bilo dovoljno prijava, kandidat se, u skladu s listom prioriteta i ostvarenim brojem bodova, upisuje u obrazovni program za koji postoji mogućnost formiranja razrednog odjeljenja u skladu sa stavom 4.**
- (6) Iznimno od stava 4., učenik se može prijaviti za upis u muzički program na osnovi kopija dokumenata ukoliko se istodobno prijavljuje za upis u neku drugu srednju školu.
- (7) Kandidat prilaže na konkurs za upis sljedeću dokumentaciju:
 - a. prijavu na konkurs (obrazac dostupan u školi);
 - b. uvjerenje o podacima iz matične knjige rođenih;
 - c. svjedodžbu o završenoj osnovnoj školi;
 - d. uvjerenje ili svjedodžbu o uspjehu u šestom (VI.), sedmom (VII.) i osmom (VIII.) razredu;
 - e. druge relevantne dokumente.Svjedodžba i uvjerenja se prilažu u originalu, a ostali dokumenti mogu biti originali ili ovjerene kopije.
- (8) Izrazi koji se koriste u ovom konkursu, a koji imaju rodno značenje, bez obzira na to jesu li korišteni u muškom ili ženskom obliku, obuhvataju na jednak način muški i ženski rod.

UPIS KANDIDATA KOJI DOLAZE IZ INOSTRANSTVA

- (1) Kandidati koji su jedan ili dva posljednja razreda osnovne škole završili u inostranstvu, konkurišu za upis u srednju školu na osnovu svjedodžbi za te razrede i rješenja o nostrifikaciji svjedodžbi.
- (2) Rješenje o nostrifikaciji kandidat može dostaviti školi naknadno, a najkasnije do kraja septembra 2025. godine.

UPIS KANDIDATA STRANIH DRŽAVLJANA

Kandidati strani državljanima mogu se upisati u srednju školu uz uvjet da u školi postoje slobodna upisna mjesta.

A. R O K O V I

Prijavljivanje, izbor kandidata i upis vrši se u tri upisna roka.

Rokovi

Opis postupka	Prvi upisni rok	Drugi upisni rok	Treći upisni rok
Prijava kandidata	23.6.2025.	30.6.2025.	25.8.2025.
Objava rezultata na školskoj oglasnoj ploči	24.6.2025.	1.7.2025.	26.8.2025.
Upis kandidata	25.6.2025.	1.7.2025.	26.8.2025.

A.1.Objava rezultata i upis kandidata u muzičke programe

Objava rezultata i upis kandidata u muzičke programe se vrši u terminu koji odredi škola.

B. KRITERIJI ZA IZBOR

Izbor kandidata za upis obavlja se na osnovu uspjeha iz osnovne škole, dodatnih elemenata vrednovanja te pokazanih sklonosti i sposobnosti kada to zahtijeva priroda programa.

B.1. BODOVI DOBIVENI NA OSNOVU USPJEHA

- (1) Bodovi na osnovi uspjeha dobivaju se kao zbroj prosječne ocjene uspjeha u VI. i VII. razredu osnovne škole, općeg uspjeha i prosjeka ocjena relevantnih predmeta zaokruženo na dvije decimale u posljednja dva razreda osnovne škole.
- (2) Na osnovu uspjeha moguće je steći najviše 25 a najmanje 10 bodova.

Primjer izračuna maksimalnog broja bodova

Razred/i	Kriterij	Broj maksimalnih bodova
VI.-VII.	Prosječna ocjena uspjeha	5,00
VIII.	Opći uspjeh	5
	Prosječna ocjena relevantnih predmeta	5,00
IX.	Opći uspjeh	5
	Prosječna ocjena relevantnih predmeta	5,00

- (3) Ako učenik u osnovnoj školi nije imao neki od nastavnih predmeta relevantnih za utvrđivanje uspjeha ili broja bodova za upis u srednju školu, za taj se predmet uzima ocjena općeg uspjeha učenika.
- (4) Učenik generacije i učenik bez oba roditelja upisuje se **direktno**, uz uvjet da zadovolji na ispitu sposobnosti i nadarenosti u školama u kojima je to uvjet upisa.
- (5) Učenik generacije osnovne muzičke škole upisuje se direktno, pod uvjetom da zadovoljava minimalni bodovni prag za upis.
- (6) U gimnazije mogu se upisati učenici koji imaju najmanje 22 boda, a u tehničke i srodne četverogodišnje škole najmanje 16,5 bodova.
- (7) U umjetničku likovnu školu se mogu upisati učenici s najmanje 15,5 bodova.
- (8) Za trogodišnje programe ne utvrđuje se minimalni broj bodova koji su potrebni za upis.
- (9) Ukoliko dva ili više učenika imaju jednak zbroj bodova, njihovo međusobno rangiranje obavlja se na osnovu viših prosječnih ocjena učenika iz posebno označenih nastavnih predmeta u tabelama.

Relevantni predmeti značajni za izbor kandidata

1. Gimnazije	
Obrazovni programi	Relevantni predmeti značajni za izbor kandidata
opća gimnazija, jezička gimnazija, pedagoška gimnazija, jezično-prevodilačka gimnazija, društveno-humanistička gimnazija	<u>bosanski jezik, strani jezik, matematika</u> , historija, geografija
prirodno-matematička gimnazija	<u>bosanski jezik, strani jezik, matematika</u> , biologija, hemija
matematičko-informatička gimnazija, informatička gimnazija	<u>bosanski jezik, strani jezik, matematika</u> , fizika, informatika

2. Četverogodišnji stručni programi	
Područje rada/zanimanje	Nastavni predmeti značajni za izbor kandidata
mašinstvo, elektrotehnika, građenje (izuzetak *)	bosanski jezik, strani jezik, <u>matematika, fizika</u> , tehnička kultura
građenje (izuzetak*): dizajner unutrašnje arhitekture-interijera	bosanski jezik, strani jezik, <u>matematika, likovna kultura</u> , tehnička kultura
ekonomija i trgovina, ugostiteljstvo i turizam	bosanski jezik, <u>strani jezik, matematika</u> , historija, geografija
prehrana	bosanski jezik, <u>matematika, strani jezik</u> , biologija i geografija
poljoprivreda	bosanski jezik, matematika, <u>kemija, biologija</u> , tehnička kultura
zdravstvo (izuzetak *)	bosanski jezik, strani jezik, <u>fizika, hemija, biologija</u>
* farmaceutski tehničar	bosanski jezik, strani jezik, <u>matematika, hemija, biologija</u>
* zubni tehničar	bosanski jezik, strani jezik, kemija, biologija, likovna kultura
* fizioterapeutski tehničar	bosanski jezik, strani jezik, matematika, fizika, biologija
saobraćaj	bosanski jezik, <u>matematika, fizika, geografija</u> , <u>tehnička kultura</u>

grafika	bosanski jezik, strani jezik, matematika, <u>hemija</u> , <u>likovna kultura</u>
tekstil i odjeća	bosanski jezik, strani jezik, matematika, <u>tehnička kultura</u> , <u>likovna kultura</u>
ostale djelatnosti: kozmetički tehničar	bosanski jezik, strani jezik, <u>hemija</u> , biologija, <u>likovna kultura</u>

3. Trogodišnji stručni programi	
<i>Područje rada/zanimanje</i>	<i>Nastavni predmeti značajni za izbor kandidata</i>
mašinstvo, elektrotehnika, građenje	bosanski jezik, <u>matematika</u> , <u>fizika</u> , <u>tehnička kultura</u>
ekonomija i trgovina	bosanski jezik, strani jezik, <u>matematika</u> , <u>geografija</u>
poljoprivreda	bosanski jezik, <u>matematika</u> , <u>hemija</u> , <u>biologija</u>
prehrana	bosanski jezik, <u>matematika</u> , <u>hemija</u> , <u>biologija</u>
grafika	bosanski jezik, <u>matematika</u> , <u>hemija</u> , <u>tehnička kultura</u>
saobraćaj	bosanski jezik, <u>matematika</u> , <u>fizika</u> , <u>tehnička kultura</u>
ugostiteljstvo i turizam	<u>bosanski jezik</u> , strani jezik, <u>hemija</u> , <u>biologija</u>
lične usluge: frizer, fotograf	bosanski jezik, <u>hemija</u> , <u>biologija</u> , <u>likovna kultura</u>
tekstil i odjeća	bosanski jezik, <u>fizika</u> , <u>hemija</u> , <u>tehnička kultura</u>

B.2. DODATNI ELEMENTI VREDNOVANJA

- Dodatni element vrednovanja čine sposobnosti i nadarenosti učenika, a dokazuju se i vrednuju na osnovi:
 - provjere (ispitivanja) posebnih znanja, vještina, sposobnosti i nadarenosti;
 - rezultata postignutih na takmičenjima u znanju iz relevantnih predmeta;
- Kada se vrši provjera znanja i sposobnosti za određene programe, škola jasno utvrđuje načine i vrijeme provjere, mjerila i kriterije za provjeru znanja i sposobnosti učenika, a donosi ih Nastavničko vijeće na prijedlog stručnih aktivista.
- Provjeri znanja iz stava 1. alineja a. mogu pristupiti samo kandidati koji imaju minimalni broj bodova utvrđen u Kriterijima za izbor u ovom Takmičenju.

B.2.1. VREDNOVANJE USPJEHA ZA UPIS U PROGRAME LIKOVNE UMJETNOSTI

- Uvjet za upis je dokazana sposobnost likovnog izražavanja i likovni senzibilitet, koji se provjerava zadaćama:
 - crtanja olovkom i ugljenom;
 - slikanje (tempera, gvaš ili akvarel). Učenici koji nisu zadovoljili na provjeri likovnih sposobnosti eliminiraju se iz daljnjeg kvalifikacijskog postupka.
- Ako se prijavi više kandidata od plana upisa, a prošli su na provjeri sposobnosti likovnog izražavanja, prednost imaju kandidati s boljim:
 - uspjehom na provjeri likovnih sposobnosti koji donosi najviše 30 bodova;
 - uspjehom iz osnovne škole (prosječna ocjena uspjeha u posljednja četiri razreda osnovne škole, opći uspjeh u posljednja dva razreda osnovne škole i prosječna ocjena iz bosanskog jezika, hemije, likovne kulture u posljednja dva razreda osnovne škole koji donosi najviše 25 bodova).
- Konačna rang-lista (ljestvica poretka) kandidata dobiva se zbrajanjem bodova dobivenih na provjeri likovnih sposobnosti, bodova dobivenih na osnovu uspjeha i bodova postignutih na takmičenjima koja su relevantna za programe upisa.

B.2.2. VREDNOVANJE USPJEHA ZA UPIS U PROGRAME MUZIČKE UMJETNOSTI

Kandidati koji upisuju muzičke programe prilažu, uz propisanu dokumentaciju u općim uvjetima ovog natječaja, dodatnu dokumentaciju za upis.

B.2.2.1. Upis u Glazbenu školu Ivana plemenitog Zajca Mostar

- Kandidati za upis kao dodatnu dokumentaciju prilažu originalnu svjedodžbu o završenom osnovnom muzičkom obrazovanju, kada je to uvjet za upis muzičkog programa.
- Učenik koji je završio osnovno muzičko obrazovanje ili drugi (II.) pripremni razred srednje škole upisuje se u prvi (I.) razred četverogodišnjeg srednjoškolskog muzičkog programa nakon uspješno položenog klasifikacijskog ispita po određenim kriterijima (dobro poznavanje osnovne muzičke struke i solfeggia te bodovanje odgovarajućih ocjena iz prethodnih razreda muzičke škole).
- Za upis muzičko-teorijskog programa uz solfeggio je potrebno i određeno znanje iz sviranja glasovira. Prednost imaju kandidati s boljim prosjekom bodova.

- (4) Učenik koji nije pohađao osnovnu glazbenu školu upisuje prvi (I.) pripremni razred srednje glazbene škole nakon prijemne audicije s ispitom sluha, muzičke memorije i ritma.
- (5) Za upis u pripremne razrede nije potrebno imati završeno općeobrazovno osnovno obrazovanje.
- (6) Konačna rang-lista (ljestvica poretka) kandidata dobiva se zbrajanjem bodova dobivenih na prijemnom ispitu, bodova dobivenih na osnovu uspjeha iz osnovne škole i bodova postignutih na konkursima.

B.2.2.2. Upis u Muzičku školu I. i II. stupnja Mostar

- (1) Kandidati za upis kao dodatnu dokumentaciju prilažu originalnu svjedodžbu o završenom osnovnom muzičkom obrazovanju i uvjerenja o svim razredima završenog osnovnog muzičkog obrazovanja kada je to uvjet za upis muzičkog programa.
- (2) Učenik koji je završio osnovno muzičko obrazovanje upisuje se u prvi (I.) razred četverogodišnjeg srednjoškolskog muzičkog programa nakon uspješno položenog klasifikacijskog ispita po određenim kriterijima.
- (3) Iznimno, pravo upisa za zvanje muzičar općeg smjera i muzičar pjevač imaju kandidati koji nisu pohađali osnovnu muzičku školu.
- (4) Sadržaj prijemnog ispita za zvanja muzičar pjevač, flautista, klarinetist, violinist, violist, violončelist, klavirist, harmonikaš i gitarist čine:
 - a) pismeni rad iz materinjeg jezika;
 - b) praktični ispit iz glavnog predmeta.
- (5) Sadržaj prijemnog ispita za zvanje muzičar općeg smjera čine:
 - a) pismeni rad iz materinjeg jezika;
 - b) provjera muzičkih sposobnosti (sluh, ritam, muzička memorija);
 - c) teorije muzike (osnovni teorijski pojmovi, ljestvice, intervali, akordi i dr.);
 - d) solfeggio (izvođenje jednostavnih ritmičkih i melodijsko-ritmičkih primjera).
- (6) Konačna rang-lista (ljestvica poretka) kandidata dobiva se zbrajanjem bodova dobivenih na prijemnom ispitu, bodova dobivenih na osnovu uspjeha iz osnovne škole i bodova postignutih na takmičenjima.

B.2.2.3. Vrednovanje uspjeha za upis u Karadoz-begovu medresu

- (1) Uvjet za upis je prijemni ispit koji se sastoji od testa općeg znanja i usmenog ispita iz kirata.
- (2) Test općeg znanja sadrži pitanja iz:
 - a) matematike;
 - b) bosanskog jezika (gramatika i književnost),
 - c) islamske vjeronauke
- (3) Konačna rang-lista (ljestvica poretka) kandidata dobiva se zbrajanjem bodova dobivenih na prijemnom ispitu, bodova dobivenih na osnovu uspjeha iz osnovne škole i bodova postignutih na natjecanjima.

B.2.3. VREDNOVANJE REZULTATA NA TAKMIČENJIMA IZ RELEVANTNIH PREDMETA

- (1) Vrednuje se i boduje rezultat kandidata postignut na kantonalnom takmičenju u znanju iz relevantnih predmeta za izbor, koja se provode u organizaciji Zavoda za školstvo/Pedagoškog zavoda, odnosno na takmičenju na entitetskoj, državnoj ili međunarodnom nivou koje verificira Zavod za školstvo/Pedagoški zavod, a koje je kandidat postigao u posljednja četiri (4) razreda osnovnog obrazovanja. Ako je kandidat učestvovao na više takmičenja, ili na takmičenjima iz više područja relevantnih za program u koji se upisuje, **vrednuje mu se isključivo jedno (najpovoljnije) postignuće.**
- (2) Kriterij bodovanja su osvojeno prvo, drugo ili treće mjesto na kantonalnom, entitetskom te međunarodnom ili državnom nivou.

Bodovanje natjecanja u znanju iz relevantnih predmeta

Natjecanja u znanju iz relevantnih predmeta	Kriterij	Bodovi
Međunarodni ili državni nivo	Prvo osvojeno mjesto	4,5
	Drugo osvojeno mjesto	4
	Treće osvojeno mjesto	3,5
Entitetski nivo	Prvo osvojeno mjesto	3
	Drugo osvojeno mjesto	2,5
	Treće osvojeno mjesto	2
Kantonalni nivo	Prvo osvojeno mjesto	1,5
	Drugo osvojeno mjesto	1
	Treće osvojeno mjesto	0,5

B.3. UPIS KANDIDATA S TEŠKOĆAMA U RAZVOJU

- (1) Kandidati s teškoćama u razvoju su kandidati koji su završili osnovnu školu prema rješenju mjerodavnog općinskog ureda ili odjela društvenih djelatnosti kojim je učenik ostvario pravo na posebne oblike odgoja i obrazovanja u osnovnoj školi ili rješenja o razvrstavanju.
- (2) Učenik s teškoćama u razvoju ostvaruje pravo na **direktan upis** na osnovi:
 - a) rješenja mjerodavnog općinskog ureda ili odjela društvenih djelatnosti kojim je učenik ostvario pravo na posebne oblike odgoja i obrazovanja u osnovnoj školi ili rješenja o razvrstavanju;
 - b) mišljenja o profesionalnoj orijentaciji Službe za zapošljavanje kojim se utvrđuje program primjeren njegovim sposobnostima i potrebama.

B.4. UPIS KANDIDATA SA ZDRAVSTVENIM TEŠKOĆAMA

- (1) Učenik koji zbog zdravstvenog stanja (invaliditeta) ima sužene mogućnosti izbora škole, odnosno programa, može do prvog upisnog roka pribaviti mišljenje o profesionalnoj orijentaciji Službe za zapošljavanje o programima, odnosno zanimanjima koja su primjerena njegovim sposobnostima.
- (2) Učenik se javlja na konkurs u prvom upisnom roku u skladu s mišljenjem o profesionalnoj orijentaciji koje obavezno prilaže na konkurs.

B.5. ZDRAVSTVENE KONTRAINDIKACIJE

- (1) Za pojedine vrste škola i programa, odnosno zanimanja postoje zdravstvene kontraindikacije koje će srednje škole istaknuti na svojim oglasnim pločama uz obavijest učenicima i roditeljima da prije upisa u školu konsultuju ljekara, posebno ljekara medicine rada, o opravdanosti upisa u željeni program, odnosno zanimanje.
- (2) Ukoliko se učenik upisuje u program i pored znanja o postojanju zdravstvenih kontraindikacija ili ih nije utvrdio, rizik i odgovornost za mogućnost završetka školovanja i zapošljavanja preuzima učenik i roditelj.
- (3) Za upis u pojedine programe škola će, u skladu s posebnim propisima, zatražiti od učenika, kao uvjet za upis, i ljekarsku potvrdu o nepostojanju zdravstvenih kontraindikacija za željeno zanimanje.